



Broj: _____ 2021
Sarajevo, 25.02.2021. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 26-02-2021			
Organizaciona jedinica	Klasifikaciona oznaka	Redni broj	Broj priloga
01,02	50-11-19-1	19-1	21

10⁵⁰

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r gđa. Borjana Krišto, predsjedavajuća

PREDMET: Poslaničko pitanje za 1. posebnu zajedničku sjednicu oba doma PS BiH koja će biti održana 11.03.2021. godine

U skladu sa članom 172. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20) za 1. posebnu zajedničku sjednicu oba doma Parlamentarne skupštine Bosne i Hercegovine koja će biti održana 11.03.2021. godine postavljam slijedeće

**Poslaničko pitanje
predsjedavajućem Vijeća ministara Bosne i Hercegovine
(za Ministarstvo vanjske trgovine i ekonomskih odnosa)**

Jedan od najvećih izazova prihvatanja EU standarda u oblasti poljoprivrede i zaštite životne sredine je rješavanje problema neškodljivog uklanjanja i zbrinjavanja nusproizvoda životinjskog porijekla i životinjskog otpada.

Pitanje upravljanja nusproizvodima životinjskog porijekla i životinjskim otpadom u BiH nije riješeno na adekvatan način i predstavlja opasnost, kako po zdravlje ljudi tako i po zdravlje životinja. Neadekvatno upravljanje pomenutim nusproizvodima i životinjskim otpadom predstavlja ogromnu opasnost po životnu sredinu, ugrožava prirodne resurse, vodotoke, izvorišta pitke vode, zemljišta i atmosferu. Prema raspoloživim podacima nusproizvodi životinjskog porijekla i životinjski otpad u BiH se trenutno, bez prethodnog tretmana odlaže na komunalne deponije, neuslovna stočna groblja, i na druge neodgovarajuće lokacije, koje nisu evidentirane i o kojima nema podataka.

Uspostavljanje održivog sistema upravljanja nusproizvodima životinjskog porijekla i životinjskim otpadom je od izuzetne važnosti za dalji razvoj ekonomije i poljoprivrede BiH. Također, sa ekonomskog aspekta, ukoliko se navedeni nusproizvodi i otpad ne prerađuju, postaju izgubljena sirovina, koja bi mogla biti upotrebljena za proizvodnju proteinske hrane za kućne ljubimce ili za ribe, topljene masti, visokokaloričnog goriva, toplotne energije itd.

Upravljanje nusproizvodima životinjskog porijekla i životinjskim otpadom, u okviru sistema zaštite životne sredine i zaštite zdravlja ljudi i životinja, podrazumjeva kontrolisani nastanak, prikupljanje, skladištenje, transport, tretman i korištenje, odnosno trajno zbrinjavanje otpada.

Riješavanje ove problematike, odnosno propisno zbrinjavanje nusproizvoda životinjskog porijekla, životinjskog otpada i životinjskih lešina na cijelom teritoriju BiH sukladno EU standardima je od vitalnog i strateškog značaja za BiH i jedan od uslova za ulazak BiH u Evropsku uniju, te izvoz robe životinjskog porijekla u EU.

Imajući u vidu navedeno tražim odgovore na slijedeće pitanje:

Da li su skladu sa EU standardima doneseni svi propisi koji se odnose na zbrinjavanje i upravljanje nusproizvodima životinjskog porijekla i životinjskim otpadom (npr. Pravilnik o visini naknade i načinu finansiranja zbrinjavanja životinjskih leševa i dr.) te da li su pozitivni propisi u BiH, koji uređuju predmetnu oblast (npr, Zakon o veterinarstvu BuH i dr.) usklađeni sa legislativom EU? Ukoliko pomenuti propisi nisu doneseni, odnosno usklađeni, kada se planira njihova izrada, donošenje ili usklađivanje?

Nermin Mandra
Poslanik u PD PS BiH

